

The Center for Research Libraries scans to provide digital delivery of its holdings. In some cases problems with the quality of the original document or microfilm reproduction may result in a lower quality scan, but it will be legible. In some cases pages may be damaged or missing. Files include OCR (machine searchable text) when the quality of the scan and the language or format of the text allows.

If preferred, you may request a loan by contacting Center for Research Libraries through your Interlibrary Loan Office.

Rights and usage

Materials digitized by the Center for Research Libraries are intended for the personal educational and research use of students, scholars, and other researchers of the CRL member community. Copyrighted images and texts are not to be reproduced, displayed, distributed, broadcast, or downloaded for other purposes without the expressed, written permission of the copyright owner.

© Center for Research Libraries

Scan Date: October 7, 2008


Identifier: s-m-000015-n7



مجموعہ فنون

۱۱

جمعیت علمیہ عثمانیہ



برنجی پستہ

شوال

نومرو ۱۰



استانبول

جمعیت علمیہ عثمانیہ مطبعہ سندھ طبع اول نمشدر

۱۲۷۹

(ضمیمہ سرکی عثمانی)

اشب و ضمیمہ شهر شوالک اون دردنجی جمعہ کوئی کشاد
اونوب آدم باشہ ایکی غروش دخولہ تعیین اولمشدر . قطعہ
مذکورہ دیگرینک جانب غریبسنده و دیکیلی طاشک اوتہ طرفندہ
واقع اولوب حجر مذکور ایکسنک اراسندہ قالمشدر . اشبو محل
مقدم دخی یازلدیغی وجہلہ دیگرندن کوچک اولہرق بش بیک
ارشون عرصہ اوزرینہ مبنی اولوب بودخی مستطیل الشکل
ایسہ دہ جانب شمال غریبسنده واقع گوشہ سنہ دیگر دیکیلی
طاش تصادف ایتدیکندن گوشہ مذکور ایچرودہ قالمشدر .
دیگری مثلوبونک باغچہ سی اولیوب فقط سالف الذکر دیکیلی
طاشلر اراسندہ واقع تونجیدن معمول بورولی طاش دینلان
اثر قدیم اورتہ سنہ تصادف ایتدیریلہرک بونکلہ تزیین قلمشدر .
طولا ایکی طرفندہ باشدن باشہ الحق طوانلی ایکی جناح اولوب
بونلرک ماہینی خبلی مرتفع اولہرق جام ایلہ مسقفدر . ایکبسی

جانب شرقیستندہ و بری دخی طرف غربیستندہ اولہ رق اوچ
قیوسی وارددر .

در وندہ بونان اشیا بچشہ کلنجہ بونلرک اکثریسی زراعتہ
ولوازم بیتہ یہ متعلق اورویا کاری آلات و ادوات اولوب ایچلرنده
شایان دقت اولنلرک بروجه آتی تعریف ویاننہ ابتدارقلانور .
بغدای وارپہ بشاقلرینک درعقب دانہ سنی صمانندن
تفریق ایلمکہ مخصوص اولوق اوزرہ یدی سکز بارکیہ قوتندہ
بروایور ما کینہ سیلہ اداره اولنور بیدوکن . بونک برویا خود ایکی
چقت حیوان ایلہ اداره اولنور کوچکلری دخی وارددر . اشبو
آتلرک فوائدی تعریفدن مستغنی اولوب استعمالی تقدیرده
بزم بو طرفلرده جاری اولان اصول قدیمہ اوزرہ برچوق زجت
وامک ایلہ خرمن دو کیلوب آندن صکرہ دخی صاورمق ایچون
بروقت روزکار ظہورینہ انتظار اولنوق ایجاب ایتمز . کرک اشبو
آتلر و کرک بیوکنی ادا رہ ایدن واپور ما کینہ سی ثابت اولوب
تکرلکلر اوزرینہ موضوع اولدیغندن بر محلده ایشنی
بتور دکن صکرہ بالسهولہ بشقہ محلہ نقل اولنور .

حیوان ایلہ وال ایلہ اداره اولنور جسامت و اشکال مختلفہ ده
دکر منلر . بونلر بغدای طحن ایدوب کپکنی دخی آپردقدن بشقہ
برقاچ جنس دقیق چیقارلر . اشبودکر منلر دخی متحرک اولوب
اسنلان محلہ نقل اولنہ ییلور . حیوانلر ایچون حبوباتی قرمق
ویا خود بلغور یا عمق ایچون دخی بو قیلدن آتلر وارددر .

اسطوانہ شکلندہ ال ایلہ اداره اولنور غلبور . بونک دلیکلری
اسنلان درجده ایچہ و یا خود قالین یاپیلہ ییلور و درونته وضع

اولنان حیواناتک تمیزی اشافی طرفدن وایریجه طاش وامشالی
شیلری یوقارودن وتوزوصمانی بریاندنن اخرج ایدر .

برآدم قوتیله بش بیک قیده قدر یوک قالدرمق ایچون مقره .
خنی اولدیغی وجهله اشبوآلت واسطه سیله برآدم برآنده او قدر
اغر جسمی قالدیرمغه مقتدر اولوردیمک اولیوب مثلاً برچاریک
ساعت مدته برآدمک صرف آیده جکی قوت اشبوآلت واسطه سیله
تجمع ایدرک بو اولقسزین تشریکی دائرة اقتدارندن خارج بولنان
اجسام ثقلیه رفع اولنور .

اینک صاغغه مخصوص الت . اشبوات یکی ایجاد اولنوب بونکله
بهرندن دقیقه ده خیلی مقدار سود چیقارلمق اوزره اینک درت مه سی
بردن صاغیلور حیوان بوندن اصلا متفر اولیوب حظ ایدر واستعمالی
دخی عادتا برکورک اوفلرکی یکی صاپنک تهریکندن عبارت اوله رق
غایت سهولتلی اولدیغندن هیچ تجربه سی اولیان ادم دخی
قوللانه بیلور . تمانندن اولان قوغه سیله برابر یکی بیچ قیه
اغر لغنده اولوب تهرنمسی دخی پک قولایدر . ایوم امر یقاده وانکلتره ده
واورویانک ممالک سائره سنده هرکس بونک استعمالنه رغبت ایدوب
کچن سنه لوندره ده کشاد اولنان سرکی عمومیده دخی زیاده تحسین
اولنهرق موجدینه مکافاة مدالیه اعطا قلمشدر .

یموخی دنک باغلامغه مخصوص الت . یموق محصولاتی محال
بعیده یه نقل اولنمق اسنلنل کده کیده ویاخود عربه ده ممکن مرتبه
ازیرطومتق ایچون حجمی تصغیر اولنمق لازم کله جکندن اشبو
الت واسطه سیله اجرا اولنور .

تکر لکلی یانقین طلومبسه سی . بونک ایکی خرطومی اولوب

برایسی بوطرفلرده مستعمل طلوبمبلرده اولدیغی کبی استنلان محله
صوآتیلوب دیکرینک اوجی دخی برحوضه ویاخود برقیویه وصل
اولنهرق برطرفدن او برخرطوم ایله صو خارجه کتدیکی حالده
بریکی خرطوم ایله خارجدن صوکلور و بووجهله ایراد و مصرف
یکدیگره موازن اولهرق دور دائمی صورته ایشلدیلور .
پانچه صوالمق ایچون دخی ایکی تکرلکلی طلوبمبلر واردر .
ایکی تکرلکلی تیمورال عربه لری . بونلر چفتلکرده و اینیه
انشا اولنان محللرده کوبره وطاش و طوپراق نقلنه پک الویرشلی اولوب
مستوی یر اولدیغی حالده اشوعربه ایله براد م بش اون ادمک
کوره جکی ایشی کورر . بالاده مسطورالات کافه انکلتره معمولاتندندر .
دیکشی ماکینه سی . اشوات هر درلو اینجه و قالین منوجات
اوزرنده دیکش دیکوب بلکه اون بش یکر می درزینک کوردیکی
ایشی کوره یلور .

اچجه وسأ رذیقیت اشیا حفظنه مخصوص و یانه کاری تیمور قاصدلر .
بونلرد وکمه تیموردن اولهرق زیاده مین وکلید لری غایت مصنع
اولق جهتیله قرلمسی و انختار اویدیرلسی همان درجه استحاله ده
مشکل اولدیغی مثل او حریق و قوعنده یدی سکز ساعت اک شدید
اتش دروننده قالدیغی حالده دخی برزیان کورمز . محال ساثرده
بالد فعاة و قوعب اولدیغی مثل او بش التی سنه مقدم در سعادتده
دخی علی ملاء الناس اجرا اولنان تجربیه سی شو مدهای مصدق
بولنمشدر . مذکور قاصدلرک هر درلو بو یالسی اولوب حتی بریسک
اوزرنده غایت نفیس رسملر ایشلمش اولدیغندن زینت ایچون دخی
بر او طه یه وضع اولنه یلور .

قیطان و اینجه شریت و بونکه اعماله مخصوص آتلیز . بونلر
بالسهوله ال ایله اداره اولندقدنه مطلوب اولان قیطان و سائره
طبیعتیه حصوله کلور .

ترسانه عامره معمولاتندن اوله رق درت کورکلی و بیاض تنه لی
غایت نفیس برقطعه صندال . در سعادتده صندقچی علی بکک
اعمالکرده سی اولوق اوزره ال ایله اداره اولنور غلبور . بونک تجربه سی
مشهودمز اولماش ایسه ده سالف الذکر انکلیر کاری مذکور غلبور
کبی ایش کوره جکی قیاس اولنور .

یاغ چیقارمغه مخصوص کوچک دولاب . بونک ایچنه سود
وضع اوله رق ال ایله دوندرلدیکی حالده یاغ ایله ایران یکدیگرندن
ایریلور .

طوپلجده یوان اسمنده براهل هنرک اعمال ایتمش اولدیغی بریل
دکر منی مودلی . اشبو آلت ایکی طاش اداره ایتدکن بشقه
اغاج قطعه مخصوص ایکی یچی دخی تحریک ایدر .

ممالک محروسه نیک چوق محالرندن مورود هر نیک سختیان
ومشین . اشبو نمونه لر زیاده شایان تحسین اولوب بالخصوص
اوروپا لولرک نظر دقتی جلب ایتکده در .

ممالک محروسه محصولاتنی اوله رق یکر می بش اوتوز جنس
رنکار نیک و نفیس مر مر نمونه لری اولوب بونلردن معمول برقاچ
قطعه اوجاق دخی واردر .

اوروپا و ممالک محروسه مصنوعاتندن اوله رق دها نیک چوق
شیلر و ارایسه ده جابه سنک بر دفعده ده تعریف و بیانی موجب تطویل
اوله جغندن شهیدیک بوقدرله اکتفا قیلدی .

سالف الذکر الاتدن بخار قوتيله تشریکی لازم کلانلر سرکی دروننده مخصوص واپور ما کینه لری واسطه سیله اداره اولندیغی مثلوال ایله تحریک اولنانلرک دخیانی باشنده بکلیمان ادملر معرفتيله تبحر به لری اجرا قلانه رق صورت استعمال و محسنات لری سیرجیلره فعلا ارائه و تعریف قلمنقده در .

اشبوزیمه یه ممالک محروسه محصولات متنوعه سنه مخصوص دیگر سرکی محلی قدر کلیتلو سیرجی کلیوب شمیدلک کونده نهایت برقاچ یوز آدم بولمنقده در . هله قادین سیرجیلرک ندرت اوزره اولوب بونک ایچون دخی آنلره مخصوص کون تعیین اولنیه رق رجال ایله برابر دخولرینه مأذونیت ویرلمشدر .

(منیف)

(مواد حکیمه تلماق)

امر حکومت و حکمرانی امور مشکله دن اولوب سرکارده بولنانلر اخلاق حیده اصحابندن اولمدقلری صورتده امور عامه یی هرج و مرج و ایوآدملر اولورده اصلاح حال و مصلحتلرینه چالبشورلر ایسه بدمنشان و کجروشان طرفلرندن اولنان اعتراضاته مقاومنده سرمایه اوقات حیاتیه یی خرج ایدرلر . نشوونمالری فاملیالرندن زیاده لازم ولا بد اولان اطفال تربیه سز قالوب منصبه کچد کدن صکره عزل و تبدیللری محن و مشاقیله اوغراشلرقدن ایسد سرکاره کچه جک قابلیتی ویره جک تربیه مقتضیه لرینه اب عموم

مقامنده بولنان حکمدارک تقيدات متمادیه سینه ذوق و سفاقت
 وقباختدن و کذب و تزویز و فضاختدن قاچنوب و وطنرینه محبت
 و جنکاوران کذشتکانک ستایشلرینه الفت ایدرک دوستلری حقنده
 محب و عادل و دشمنلری علیهنده بیله معتدل اولمیرلیله برکسه یه
 کوتیلک ایتک وحشت احوال حیاتیله و دهشت احوال مماتیه دن
 اشد اولدیغنی کوش هوشلرینه طولدیرمق ایچون مکتبلرور یاضت
 بدنیله یی مؤدی اولور انواع لعبک اجراسی ضمنده وسعتلی میدان
 و محالریایدیریلوب او یونلرده اقرانله فائق اولنلرینه بادی شوق
 وهوس اوله جق بعض تحف و طرف اهدا و غنی و فقیر دیمیوب
 عقل و اندامنی بکندکلری قزیر ایله تزوج و تأهلرینه پدر و مادرلری
 طرفدن رخصت اعطا قلمغله از زمانده کسب کالات و مصالح
 معتنا بهاده استفاده اهلیتلرینی اثبات ایدرلر .

امر حرب مجهول العاقبه خطوب جسمه دن اولوب بر طرفده
 ظفر و نصرت قوه قریبه یه کلدیکی حالده ادنی مرتبه ده بر حالک
 وقوعیله غالب مغلوب اولدیغنی واقع اولدیغنه بنا کار پیکاره هر نه
 صورتله باشلاناسه و غلبه کلیه یه نائل اولنسه بیله اهالیسک ازالمسی
 اراضیسک زراعئسز قالمسی تجارتک کیرولمسق قانونک اجرای
 احکامی کوشیوب طبایعک بوزلمسی و چوجقارک تحصیل معارفده
 حایلازلمسی نظامات عسکریه و ضابطه بلدیه نک سکتله لئسی
 جهنلریله اعدایه اولنان ضرر قدر جانب غالبک ملکنده زیان
 وقوعی متحقق و بوتقدیرجه نیل افتخار و مظفریت یا خود توسیع
 خریطه حکومت آرزوسیه بغیر حق متجاوز واساله خون بیکناهان
 زنده جائز اولان حکمدار کار ایده چک صره ده ضرر ایتمکه
 مستحق اولور .

بر مملکتده هنگام صلح و صلاح متمادی اولدیغی حالده اهاپسی
تجارب حریبه دن زاهل و رفته رفته طبایع ناس راحت تنپروی
ایله الفتانوب قیمت وغیرت مله زائل اوله رق سائر ملل محاربه سهولت
غلبه دن فائده مند و حربک اتیان ایده جکی نتایج مضره دن
قاچنورایکن عدم قدرت مدافعه دن ناشی ربقه رقیبه رقبه بند
اوله جقلری درکار بولندیغی جهته شوحال منتج المالدن احترازا
چو جقلرک پیچیده قاط مه دو وجود اولدقلرندن برومدحیه پهلوانان
ایله قولاقلری الشدیریلوب اقتضای ترتیب تربیه و تعلیمی هر شبهه
قابلیت ذاتیه لرینی مورت اوله جغندن دوست و متفق اولان ملتک
ملت آخره حرب و ضربی ظهورنده ایچلرندن طبعاً مستعد
حرب و ستیز و صاحب فهم تیز اولملری سچیلوب کوندریلوب
اوکر تدریملریله بین الملل شهرت و شان فراوان قزانیلوب بو
صورتده سائر دولتلر اول دولتک اتفاقنه طالب و فقدا نندن
مضطرب اوله جقلری حسینله وقوع حربی تبعیده ومدت صلحی
تمدیده مدار قوی اوله جق قدر کفایه طوائف عسکریه نک
نظام وانتظام لرینه و ملل اجنبیه تعلیمات و حرکاتنی بیلور ادملرک
استخدامنه دقت و اعتبار و حرص و شان املیه ایقاع غوائل
حریبه دن اجتناب کوستر مکه برابر ظهور حربدن دخی قورقوب
وقت ضرورته مستعد ومهیا اولدیغی اشعارایدنبجه همجواری
اولان دولتلر سودای غوغا وجدالدن دور و جلب خشودی قلبنه
مجبور اولرلیله زمان صلح و صلاح اوزون و معموریت سکان
بلدانی متزاید و افزون اولوب متفقلردن بری دیگر یله جنکه
آهنکه استعداد و تهیؤ کوستردیکی تقدیرده دخی اوله و اعلائی

تدابیر متوسط آشتی را حین بخش اول مقدر که بوطریق ایله فتوحاتدن
 زیاده شرف و شهرت اکنساب و اجانبک تعظیم و محبت و احتیاجنی
 اجتلاب ایدرک امانتکار اسرار و عهد و شروط عمومیه تک
 محافظه سنده حاکم ذی اقتدار اولغله اول مملکتک حکمداری
 بر مقتضای وظیفه حکمداری اهالی یه حکم ایتدیکی قدر انلره ده
 اعتماد و امنیت صفت مرضیه سیله اجرای نفوذ ایلیه جکندن
 همای عنوان و شانی دیار دن دیاره طائر و رایحه طیبیه نام
 عدل اتسامی بلاد دن بلاده سائر اولوب خلاف معدلت کندوسنه
 اعلان عداوت ایده جک اولنلر اسباب اقتدارینی حاضر و آماده
 بوله جکلر تندن بشقه امنیت عامه یه سبب اولدیقتندن محافظه سی
 یابنده همجوارینی پر سلاح و لذتیاب صلح و صلاح کوره جکلر تندن
 تابع خوف و هراس و طالب حسن اسنیاس اولورلر . اشته
 بوسورت حصار استوار و قتل و بروج فلکمداردن زیاده متین برقلعه
 حقیقی و رصین ایکن دریغاکه اکثر حکمداران خیالات کاذبه یه
 فریفته و بوشرف سرمدی شهر اهندن کرینخته اوله کلمش لردر .
 ییللرجه کو کلمش اولان اولو انا جک ساق کیری صورت
 مطلوبه بی قبول ایدن تازه فدانه بکنه مدیکی کبی پیرا تک دخی
 عادات مألوفه لر تندن تحویلی محالاتدن و نادر اخطارینی اعتراف
 و تأسف ایتسه لر بیله مخ استخوانلرینه ایشلمش اولان علت پیری
 تأثیرندن قوریتله مدقلری مجرب و مسلم حالاتدندر .
 حیف صد حیف که بهره ور عتق و ادراک اولیان شیر شیر و پلنک
 پلنک ایله چکا چنک جنک اولیوب جنسنک غیر یله صواشور ایکن
 بیچاره ابنای بشر روی ارضده درد المدن عبارت عمر قصیره مظهر

اولو بنده مغایر مقتضای عقل و ادراک بری برلینی آغشته خون
 هلاک ایتک رومیدر • عالمده بو عریده وغوغا تدر • انسانلرلدا کوب
 بچمکه قادر اوله جقلرندن زیاده اراضی یوقیدر • قتمکارلق
 تامی اغورینه بر حکمدار ممالک بلدانده ایقاد نأر قتال و سکنه یی
 غلا و بلا دن گرفتار دوشاخه ضرورت حال ایتکدن ایسه
 جنکدن دائمًا صاقنوب برملتی ملت دیکرک هجوم و ظلمدن محافظه
 نیتله حین احتیاج حقیقیده حربی اختیار ایده بیلیدر • یوخسه
 حرص و حظ نفس ایچون آچیلان حرب دشمندن زیاده یادی
 اظلمک ملکته مضرت ایده چکی مجربدر •

رأس ادویه پرهیز و جیه در • ذهن و فکرک راحتی و یوریمک
 و ایشلمک ایله وجودک ریاضتی سبب تصفیة دم و علت ادامه صحت
 بنی آدمدر •

شبهه موهومه قرینه سیله برانسان نصل مجازات اولنه بیلور •
 بو قیو آچینجه افک و افترادن کیم قور تیلور • بر مجرمی کمال رفیق
 و اعتدال ایله استجواب و صغر و کبر تهمته کوره تکدیرو عتاب
 ایتلیدر •

حرکت و زوالی غیر قابل کورینان ارض سخت التدن یواش
 یواش حفر و نحت ایله دفعة سقوط ایدوب یارلر و اوچور ملر پیدا
 ایلدیکی کبی بر حکومت ظالمه ذخی قوت جبر و تعدی ایله نقدر
 ثروت و سامانه مالک و فرمانفرمای ممالک اولسه قاعده اجباریه سی
 عاقبه العاقبه اندراس اساسنه علت و آلت قویه اولور •

حکمدار عاقل اصول حر بیه یه واقف اولوب صلحی ذخی سوملی
 و نتایج حرب و صلحه معلوماتی اوله رق جنکدن حذر ایتلیدر •

تجربه امور ایتماش ضعیف القلب و ساده دل حکمدار زمام
حکومنی نا اهلانک اللرینه و یروب دلالت غرضکارانه لریله اکثریا
باب حرب و ضربی اچارکه اصل محل حساب واجتناب
بوراسیدر .

(چاو)

وصاف تاریخندن نقلاً مجموعه فنونک بشنجی نومر و سنده
یازلمش اولان چاو ماده سنه ذیل اولوق اوزره در سعادتده
فرانسه سفارتی سرکاتب ترجانی موسیوبلین طرفندن
تحریر اولنوب ژورنال دو قونستانتینوپلده مندرج بولنان بر بند
اولیابده بعض معلومات مفیده بی شامل اولغله بروجہ اتی ترجمہ
وتحریرینہ ابتدار قلندی .

وصاف تاریخندن نقلاً مجموعه فنونده محرر اولدیغی وجهله
هجرتک التی یوز طقسان اوچ سنه سنده ممالک ایرانده ایلمخانیانندن
کیختوخان زمان سلطنتده چاو اسمیله اوراق نقدیه احداث
اولنوب فقط شو اصول مملکتک هر طرفده تعمیم اولنه ما مشیدی .
چونکہ خان مشار الیہک برادرزاده سی اولان قزان خان تحت
اداره سنده بولنان خراسان الکاسنده چاوک تداولنی قبول
ایتمیرک کیفیتکیختوخان طرفندن بو خصوصک کندوسنه
تبلغنه ما مور اولان ذات واسطه سیله مشار الیه طرفنه
اشعار و شو وجهله بیان اعذار ایتمشیدیکه زیر حکمنده بولنان

صویک ماهیت و انواعی و خواص حکیمیه و کمیویه سی ۴۱۹
ممکنه و باخصوص مازندرانده هوارک کمال درجه رطوبتیه مبنی
هر نوع اسلحه وزره برسنه بیله طیانیموب کاغذ ایسه کثرت
تداولدن ناشی پیرانه رق پرده عنکبوتیه دوندیکندن هیچ
طیانیمه جغی درکاردر .

قران خان اولوجهله بیان کیفیت ایتدکدن صکره کیخاتوخان
طرفندن ورود ایدن اوراق تقدیه یی و بونک اعمالچون کوندریلان
آلات و ادواتی کاملا احراق ایتدیردی .

اشبو چاء اوزرنده محررکلاتدن اترلق اوزره و صاف تارینخده
ذکر اولنوب فقط معناسی بیان اولنماش اولان (ایرینجین تورجی)
کله لری بحثنه کانجه کلمات مذکوره فرانسه مؤلفنرندن سویسینک
مسکوکات شرقیه یه دائریازمش اولدیغی مکاتیک یدنجی
قطعه سنده شرح اولمشدرشویله که السنه و علوم هندیه ده یدطولاسی
اولان مشهور اوژین بورنوفک تحقیقنه کوره اشبو ایرینجین تورجی
الفاظی تبیت لسانی اوزره اوله رق معنای لغویسی ذیقیت الماس
و کذلک مشاهیردن موسیو وارد مانه نظرا ذیقیت عصای حکمداری
اولوب کیخاتوخانک حین جلوسنده بعض پیشوایان دین طرفندن
ویرلمش برعنوان ایدی .

(منیف)

(صویک ماهیت و انواعی و خواص حکیمیه و کمیویه سی)

صوا کثر حالده شفاف و زنکسز ولدتسز اوله رق قابل تضییق
والا سنیقی بر جسم اولوب برودت و حرارت واسطه سیله
تبخرایدر .

صو حکمای متقدمین عندندہ اجسام بسیطه دن عدو اعتبار اولمش ایسه ده متأخرین مولدالموضه ودولالماء دینلان غازلردن مرکب اولدیغنی وبرجنس مولدالماء کبی نظر اولنه ییلدیکی حالده طبیعتده غایت مبذول اوله رق اوچ حالت اوزره بولاند یغنی اثبات ایلمش لردر . اولا هواده وبلوتلرده سیال والاسئیقی یعنی بخار وثانیا معلوم اولدیغنی اوزره دکزلرده وکوللرده وایر مقدرده مایع وثاکشا قار و طولوو بوز هیئتنده اوله رق جاد حالنده بولنور و بولنردن بشقه کافه اجسام عضویه ده دخی موجود اوله رق آنلرک نشوونما بولمرنده مدخل کلپسی واردر و اجسام معدنیه دن اکثر یسنک دخی برجزو مرکب اصلبسیدر .

مایع حالنده بولنان صوریر محلده جزئی مقدار اولدیغنی حالده رنگسز کورینوب زیاده جه بولندیغنی صورته مائی یه قریب یشیل رنگده کورندیکی معلومدر . صوطبیعتده خالص اوله رق پک نادر بولنوب فقط برمدت یغان یغوردن صکره نزول ایدن یغور صوری خالص ومواد اجنبیه دن عاریدر .

صو اجسامک اکثر یسنی حل ایدر یعنی اریده ییلور ایسه ده کندوسی بخاره منقلب اولدقده دروننده منحل اولان مواد اجنبیه تبخرا تیمه رک حال اصلبسنه رجوع ایله کسب انجماد ایدر . بناء علیه بخار حالنده اولان صویه دخی خالص نظریله باقیله ییلدیکندن عادی صوانبیق ایله تقطیر اولنه رق یعنی قینادیلوب تبخرا ایتدکده حاصل اولان بخار بر محله جمع ایله تکاثف ایتدیر یله رک تصفیه اولنور . فقط بو حالده ابتداری انسان بخارک تکاثفندن حاصل اولان صو ایچنده ینه از چوق مواد اجنبیه بولنه جغندن بو کاصافی نظریله

صویک ماهیت و انواعی و خواص حکیمه و کمیویه سی ۴۲۱

باقیله میوب صکره لری حاصل اولان صواخذ و یاخود مکررا
تقطیر و بوجمله حصوله کلان صوره دخی ماء مقطر تعیر
اولنور .

صوانواع ثلثیه منقسم اولوب برینه میاه خالصه یاخود میاه
مقطره و ایکنجبسنه میاه عادیه و ارجنجبسنه دخی میاه معدنیه
اطلاق اولنور . نوع اول بیان اولدیغی اوزره تقطیر ایله استحصال
اولان ماء مقطر اولدوق اجزاخانه لده و کمیای خانه لده مستعملدر .
نوع ثانی قوللاند یغمز عادی صور اولوب بونلر ملح کبریت کلس
و ملح قاربون کلس و ملح کبریت پوتاس و سائره مثللو بر طاقم
املحه متنوعه بی حاویدر .

اشبو طوز لردن نصابندن زیاده مقداری حاوی اولان سورک
لذتی اجی اولدوق بونلره سبزوات طبخ اولنه مدیغی مثللو صابون
دخی کوپوردیله مز . بو مثللو صور ایله سبزوات طبخ اولنه مامسنگ
سپی دخی میاه مذکوره نک حاوی اولدیغی ملح قاربون کلس و ملح
کبریت کلس مواد نبایه نک اجزای فردیه سی ارالینه حیولت
ایله سبزواتک سرت اولسنی استتزام ایلسیدر . و صابونک
کوپورماهی دخی صابون یاغ ایله سوده دینلان ماده دن
مرکب اولدیغندن اجی سودروننه صابون قونلدیغی حالده
بونک حاوی اولدیغی ملح کبریت کلس و ملح قاربون کلس تحلل
ایدرک حامض کبریتیله حامض قاربونی صابونک جزؤ مرکبی
اولان سوده ایله بالامتراج منحل اولان ملح کبریت سوده و ملح
قاربون سوده دینلان طوزلر حاصل اولدوقدن بشقه یاغ ایله
کرجدن مرکب و سودروننده غیر منحل دیگر بر نوع

صابون تحدث ایتسندن نشأت ایدر . بو مثالو صور دروننه
 بر مقدار ملح قاربون سوده دینلان طوزدن و یا خود ملح مذکوری
 حاری بولان بر مقدار عادی کول وضع اولدیغی حالده سبزواتک
 طبخنه و صابونک کو پور مسنه مدار اولور و بونک سپی
 دخی ملح مذکور واسطه سیله صویک حاوی اولدیغی ملح
 قاربون کلس و ملح کبریت کلس تحلل ایدرک ملح قاربون سوده ایله
 ملح کبریت سوده یه منقلب اولوب بو طوزردخی منحل اولمندن ناشی
 سبزوات طبخنه مانع اولماسی و صابونی دخی تحلیل ایده مامسی
 جهتله اصلاح اولمش اولور .

نوع ثالث یعنی میاه معدنیه دخی حیات حیوانیه اوزرینه
 از چوق تاثیر اولان بر طاقم مواد کیمویه بی حاوی صوردرکه
 بونرک تفصیلی ایلروده کله جکدر .

عادی صور دروننده دائماً مواد نباتیه و حیوانیه بولند یغندن
 بونر بر محله را کد اوله رق چوق وقت قالدقلرنده مواد مذکوره
 چوریه رک تحلل ایتسیله بر طاقم غازر تحدث ایدر و بو غازردن
 بر مقداری دخی منحل اولدیغی حالده صور دروننده قالد یغندن
 تعفن ایدوب فنا حاله تحولنی موجب اولور و بو مثالو متعفن صور
 کوزدن معمول سوزکچردن سوزیلهرک تصفیه اولور . و ایچیلان
 صورک مضرت ویر مامسنگ سبب مستقلی دروننده دائماً بر مقدار
 هوا بولنسیدر . اکثر یاصهر یخ صور لرنده مقدار وافی هوا
 بولندیغندن دائماً بو صوی ایچن کسانک اکثریسی امراض
 جلدیه یه مبتلا اولور . بنابراین سوزکچردن سوزیلهرک تصفیه
 اولمش صور سوزیلور ایکن اجزای صغیره کثیریه تقسیم اولنهرق

(صوئک ماهیت و انواعی و خواص حکمیه و کمیویه سی) ۴۳۳

سطوح کثیره سی چوق وقت هوا ایله تماسده بولدیغی جهتله ایچمک ایچون سائر صورله مر جحدر .

صوئک الاستیقتی و قابل تضییق اولسی حکمای متقدمین عندنده چوق وقت مشکوک قالمش ایسه ده متأخرین بوبابده زیاده تبع ایدرک الاستیق و قابل تضییق اولدیغی و تضییق سببیه حجمی یوز بیک جزئدن قرق سکر جزؤ مقدار بی کوجولدیکنی تحقیق و اثبات ایلمش لر در .

معلوم اولدیغی اوزره هوانک کافه اجسام اوزرینه قوه تضییقه سی جاری اولدیغدن صوعادی تضییق تحتنده یعنی سطحی سطح دریایه موازی اولان بر محبلده حرارته کوسترلدیکی حالده سانتیگراد یعنی یوز درجه یه منقسم اولان میزان الحراره حسابجه اولدیغی حرارت یوز درجه یه وارنجیه دکی تدریجاً تسخن ایدوب درجه مذکوره یه وصولنده مایع حالنده قالدیغی مدتیجه ارتق درجه حرارتی تزیاید ایتمه رک قینا مغه باشلار . والدیغی حرارت یوز درجه یی تجاوز ایتدکده تبخرایدوب حجمی بیک الیوز طقسان سکر مثلی قدر بیو یه رک شفاف و غیر مرئی برغازه منقلب اولوب اشبوغازه صوب بخاری تعیر اولنور . وقینا دیلان صواوزرینه تضییق اجرا ایدن ستون هوا بئنگ طولی زیاده اولدیجه طبیعی اغرغبهده زیاده اوله جغی درکار اولدیغندن مذکور صوعادی تضییق دن بر تضییقک تحت تأثیرنده بولنور یعنی سطحی سطح دریادن مرتفع بر محبلده اولق اوزره مثلاً بر یوکسک طاغ تپه سننده تسخن اولنق مراد قلنور ایسه یوز درجه دن از و عادی تضییق دن زیاده بر تضییقک تحت تأثیرنده

یعنی سطحی سطح زیادن الیچی بر محله بولنور ایسه یوز درجه دن زیاده حرارتله غلیانه باشیوب علی کلا التقدیرین بخارینک قوه الاستیقه سی یعنی دروننده بولندیغی قابک اطرافنه اجرا ایلدیکی تضییق بخارک درجه حرارتی نسبتنده تزیادوتناقص ایلدیکی بالتجربه ثابت اولشدر . آنفایسان اولندیغی اوزره صوب بخارینک حجمی مایع حالنده کی حجمینک بیک آلتیوز طقسان سکز مثلی اولدیغندن صوب بخاره منقلب اولدوقده حجمینک شوصورتله تزیاید ایلمسی مناسبتله حاصل ایتدیکی قوه الاستیقه برطاقم ما کینه لر ایچون قوه محرکه مقامنده استعمال اولنور .

صوب بخاره منقلب اولقسزین یعنی صفر درجه دن یوز درجه یه وارنجیه قدر باع ایتدیکی حرارت میزان الحراره ایله کوستریله بیلوب فقط بخار حالنه کچرکن اخذ ایلدیکی حرارت آت مذکورہ واسطه سیله ییلنهمز . مثلاً برقیه وزنده اولان بخار مایع حالنه کچورلمش اولسه آندن یوز درجه حرارتده برقیه صو حاصل اولدوقدن بشقه صفر درجه ده بولنان بش بچی قیه صویک حرارتی یوز درجه حرارته ایصال ایلکه یعنی غلیان حالنه کنورمه کافیه حرارت دخی حاصل اولور . بووجهله برقیه صویوز درجه یه قدر ایصند قدنصکره بخاره انقلابنده صفر درجه حرارتده اولان بش بچی قیه صویک درجه حرارتی یوز درجه یه ایصاله کافی مقدار دخی حرارت باع ایتمش اوله جنی ظاهر اولغله برمنوال محرر میزان الحراره ایله کوستریله میوب بخار جمع ایلدیکی حالده ظاهره چیقان اشبو حرارته حرارت خفیه تعینر اولنور .

(صفوت)

ناظره کتب حریه

(بقیه سی صکره)

امید برونی و اول حوالیده بولنان اهل اسلامك احوالنه
و خصوصات سائره یه دائر بو کره دخی کچن شعبان شریفک
یکرمی دردی تاریخچه مؤرخاً ابوبکر افندی طرفندن وری ای دن
بر قطعه مکتوب کچن دفعه یازدیغیمز مکتوبه ذیل اولمق اوزره
بروجه خلاصه زبرده درج و تشریر قلمشدر .

" بو حوالینک مرکز حکومتی اولوب انکلیزجه (کپتاون)
دینلان شهرک بنا و اعمارینه بدأ اولنده لی تقریباً ایکی یوز سنه
اولوب فقط یکرمی سنه دنبرو جسیم بنال و صباحه قدرینار
غازلر و تیمور یوللر انشاسی و اطرافنده باغلو و باغچهلر احداثیه
عادتا اورویا شهرلی کچی هر درلو اصلاحات و تزیینات اجرا
قلمشدر . انکلیز لردن مقدم بو طرفله متصرف اولان فلنکاو
اٹاری اولمق اوزره داخلا و خارجا پک چوق قلاع و استحکامات
و ابنیه میریه و باغلو و اورمانلر اولوب بونلرک تنظیم و انشاسی
حقنده ملت مذکوره نك وقتیهله وقوع بولان مساعی و تکلفاتی
فوق مایتصوردر . شهرک جانب شرق بسنده واقع سواحلده
بولنان قصبات اصول جدیده اوزره اصلاح و تزیین
و انکلتره و المانیادن لاینقطع کلیمکده اولان مهاجرلر اورالرده
اسکان و توطین اولنهرق جسیم شهرلر تشکل ایتمکده در . امید
برونی ایالتنک جانب شمال بسنده واقع اولوب یکرمی بر عرض
جنوبیه قدر متمد اولان مملکت جسیمه قطار تسیمیه اولنان
برطائفه ایله مسکون اولوب بونلر زیاده جاهل و وحشی برملت
اولدیغی جالده ایوم بعض مرتبه کسب تربیه و تمدن ایدرک

اورالده دخی مجددأ شهر لر وقصبه لر بنا اولمقده در .
 تحقیقات عاجزانه مه کوره بورادن واپور سفینه سیله اوج کونک
 مسافده واقع هندوان جزیردی کافی اسلامدر واستقلال
 اوزره بولنان حکمدارلری دخی کندولرندن اولوب انکلتره لو ایله
 دوست ومتفقدر . اولجوارده واقع اولوب مقدا فرانسه لویندنه
 اولدیغی حالده بعده انکلتره لویه انتقال ایتمش اولان مورس
 جزیره سنده دخی پک چوق اهل اسلام واردر . جزیره مذکوره ده
 پرنج وشکر ومحصولات سائر کلیت اوزره حصوله کلور . وزنکبار
 جزیره سی دخی اهل اسلام ایله مسکون اولوب مسقط امامی
 تحت حکومتده در .

بو حوالیده واقع بر اهل اسلام مملکتدن بودفعه والی طرفنه
 وزود ایدن بر مکتوبده امید بروننه بر عالم کلمش اولدیغی استخبار
 ایتمش اولدقلرندن بختله بعض مشکلات دینه لری حل اولمق
 وبر ماهه قدر اعاده قلمتی اوزره داعی لرینک اولطرفه اعزامی
 استذعا اولمش و مشار الیه کیفیتی مخلص لرینه تبلیغ و بیان
 ایتمش اولغله بالتذکر رمضاندر صکره محل مذکوره عزیمته
 قرار ویرلشدر . اشبو مملکت اها لیسنک اکثریسی اسلام
 اولدقلری حالده اصول اسلامیتدن اصلا خبردار اولیوب انجق
 اراقده بعضلری حجه کیدوب کلدیکی جهتله اسلام اسمنی غایب
 ایتمه شلردر .

بو طرفلرده مسلمانلر انکلیرزه صداقت ایدوب رقبالی بولنان
 فلمنکلور دن منتقر اولدقلری جهتله انکلیرلر عنندنه سائر
 ملتلردن زیاده مقبول ومعتبردرلر . مقدا بو طرفلر فلمنک دولتی

تحت حکومتندہ بولندیغی اثنادہ اهل اسلام انلردن زیادہ سیلہ
 سوء معاملہ کورمش اولدیغندن شمدیکی حالدن پک خوشنودرلر .
 مقدم دخی یازلدیغی وجهله نفس امید برونی شهرندہ اون یندی جامع
 ومسجد اولوب کورک بولنردہ وکرک خارجدہ بولنان جوامع
 ومساجدہ کمال سر بستت وامنیت ایله اجرای وظائف دینیه
 اولنوب فقط جوامع مذکورہ نک منارہ لری اولدیغندن اذان
 حولیدہ اقامہ اولنور . منارہ لربناسنہ انکلیرت ز طرفدن مساعده
 قلمش ایسده هنوز انشا اولنماشدر .

سالف الذکر فطار طائفہ سی غایت جاهل وساده ذل برملت
 اولدیغندن اوروپالور مخصوص پاپاسلر ارسالیله بولنری کندو
 دینلرینہ دعوت وتعلیم اصول مدنیت ایتمکده اولدقلری جہتلہ
 طائفہ مذکورہ بی دین مبین اسلامہ دعوت ایلمک اوزرہ حکومت
 محلہ طرفدن داعیلرینہ دخی رخصت ویرلمشدر . فقط اول امرده
 بوراجہ اصل مقصد اولان خصوصات تسویہ اولنوب اندن
 صکرہ طائفہ مذکورہ ایچنہ کیدرک شو امر خیرک دخی اجراسنہ
 سعی واهتمام اولنسی مصمدر .

بورانک قبش و یاز موسملری استانبول کبی آلتبشر ماہدر . فقط
 خفی اولدیغی وجهله بورالری کرہ ارضک نصف جنوبیسنده
 واورالری نصف شمالیسنده واقع اولدیغندن موسم یکدیگرینک
 عکسنہ وقوعبولوب اورالری قبش اولدیغی وقت بورالری یاز
 و یاز اولدیغی وقت قبش اولور . کونلردخی بویله اولوب اورادہ
 اوزادقجہ بورادہ قیصہ لور .

بو طرفک هواسی غایت لطیف وصاغلم اولدیغندن اھالیسی

قوی البنیہ و تندرستدر . علل و اسقام دخی ندرت اوزره اولوب بزم
 طرفارده عموماً اطفاناک دوچار اولدقاری چچک علی بیله نوار دندر .
 فقط بر کره ظهور ایتد کده هر کسه سرایت ایدرک طاعون کبی کلی تلفاتی
 موجب اولور . بو حوالی غایت مثبت و محصولدار اولوب هر درلو
 ذخائر و فواکه و سبزوات مبذول ایسه ده زراعت و تجارت طریقله ثروت
 و سامان تحصیل ایلیک اوزره اوروپادن کلیتاً و نفوس کلیسی ذخائر
 و ارزاقک ترقی فیثاتنه سبب اولمشدر . بزم اچقه حسابیله برقیه
 لجم اون ایکی واتمک درت و پرنج الی غروشه کلور فقط بالق و اوزم
 فوق الغایه مبذول و اوجوز اولوب بالفک قیسه سی بش الی واک
 اعلا اوزم اون بش یکر می پاره در . و علی العموم اهالی درت
 او کون طعام اکل ایدوب غایت ا کول و تنبل آدملر در .

حکومت طرفندن داعیلرینه درت او طه لی بر خانه اعطا
 و اقتضا ایدن خدمه دخی تعیین اولنمش اولدیغندر . بحمده تعالی
 رفاه و راحت م بر کالدر “

مذکور موریس جزیردسی بحر محیط شرقیده اون سکز ایله
 یکر می عرض جنویسی بیننده واقعدر . و اکثر محللری طاغلق اولوب
 انبجق بشده بر جزوی قابل زراعتدر . ممالک حاره و معتدله یه
 مخصوص هر درلو محصولات چیققدن بشقه انواع بهارات دخی
 یتشدیرلشددر . میون پک کثرت اوزره اولدیغندن زراعتنه زیاده
 مضرتی اولور . پوق و قهوه دخی حصوله کلور ایسه ده باشلیجه
 محصولی شکر در . مرکز حکومتی جانب شمال غربسندده
 واقع لونی لیمانی اسمیله معروف شهر اولوب یوز یکر می بیک قدر
 نفوسی جامعدر . جزیره مذکوریه یی میلادک ۱۵۰۵ سنه سنده

غیر مسکون اولدیغی حالده پورتکیز کشف و (ایلها دا سرنو) تسمیه ایتش لر ایسه ده اهالی اسکان ایتما مشر ایدی . بعده هولانده لولر ضبط ایدرک الیوم متعارف اولان موریس استنی ویرمشر لردر .

۱۷۲۱ ده فرانسه یه انتقال ایدرک فرانسه اطه سی تسمیه اولمش و هر وجهله اسباب معهوریتی اکیمال قلمشدر ۱۸۱۰ سنه سنده حربا انکلیر ل ضبط ایدوب الیوم انلرک تحت حکومتده در . بکر افندیگ اشعارینه کوره اشبو موریس اطه سنده خیلی اهل اسلام موجود ایسه ده نمقدار ونه حالده بولندقلرینه دایر جغرافیا کتابلرنده برکونه معلوماته تصادف اولنه ما مشدر . ذکر اولنان زنگبار جزیره سی دخی افریقا ساحلنده بو اسم ایله معروف مملکت پیشگاهنده واقعدر . کرک جزیره مذکور و کرک منسوب اولدیغی مملکت اهابسی علی العموم اهل اسلام اولوب ایچلرنده یک چوق عرب دخی وارددر . اهابسی و حکمداری اهل اسلام اولوق اوزره مکتوب مذکورده بیان اولنان هندوان جزیره سی بستمه کلنجه بونک نره ده اولدیغی تحقیق اولنه مامش ایسه اشبو جزیره نیک جغرافیون عنندنه نام دیگرله معروف اولسی احتمالی درکاردر . امید برونک جانب شرق بنده (کافر) و جانب غرب بنده (هو تانتو) اسملریله مسمی ایکی مملکت جسیه اولوب بونلرک ایکه سنک دخی اهابسی صید و شکار ایله تعیش ایدرک غایت متوحش و کدولرینه مخصوص بعض اعتقادات باطله یه متمسکدرلر . بکر افندیگ طانک شده سیله ذکر ایلدیگی (فطار) ظائفدی بولردن قنغیسی اولدیغی دخی آکلا سیله ما مشدر .

اشبو مجهول و مشبه اولان خصوصاته دائر ایلروده استحصال
ایده بیله جگیز معلوماتک تحریر و بیسانته مسارعت اولنه جنی
درکار در .
(منیف)

(سرکی عمومی عثمانی)

سایه معهوریتوایه حضرت پادشاهیده بودفعه کشاد اولنان
سرکی عمومی عثمانی ممالک محروسه ده ایلك دفعه اچیلان سرکی
اولدینغی حالده مشهود اولان حسن ترتیب وانتظامی طوغریسی
درجه ما موله نك مافوقنده بولندیغندن جابه نك مظهر تقدیر
وتحسینی اولمشدر . علی العموم سرکی اصولی نوقتدنبرو معلوم
ومرعی اولوب ممالک سائرده اچیلان سرکیلر ابتداری نصورتله
باشلادیغی و مؤخرًا نوجهله کسب توسع وترقی ایدرک امر زراعت
وصناعت حقتده نه درجه تأثیرات حسنه سی مشاهده اولدینغی
مجموعه مزك طقوزنجی نومر وسنده برتفصیل بیان وتحریر
قلمش ایدی . شو اصولک ممالک محروسه حضرت پادشاهیده
دخی قبول واجراسی برمبدأ فیض وترقی اولوب بوندن بویله دخی
اره صره کشادینه همت بیورلدینغی حالده کتدیجکه کسب توسع
وانتظام ایله زراعت وصناعتجه فوائد عظیمه بی منتج اوله جنی
بی اشباهدر . سرکی مذکورده مشاهده اولنان خام
اسنیانک اکثریسی الاعلا جنسدن اولوب محصولات صنایعده دن
دخی تقدیره شایان خیلی شیلر وار ایسه ده بعض صنایعک

پك زياده كبروده بولنديغى دركاردر . شو حالك باشليجه
برقاچ سببي اولوب برنجبسي اصنافك اجراي صنعتلر چون
لازم كلان بعض فنون دن بي بهره بولنلري ماده سيدر . چونكه
اوروپا ايشي اوله رق كوريلان معمولات مصنعه هپ ما كينه
ايه يابلس شيلر اولديغندن ارباب صنايعك كافة اهل معرفت
و فطانتدن بولنسي اقتضا ايمز ايسه ده اشبو ما كينه لك
يوليله استعمالى و عملياتك اصول فنه تطبيقى ضمنده ايجلانده
صاحب معلومات اوسته لر بولنسي لازم ولا بددر .

مسموعمه كوره طرف سلطنت سنه دن در سعادتده بره مكتب
صنايع كشاديله هر درلو حرفت و صنعت اربان دن آله جق
شا كردانه اصلاحى مقتضى اولان صنعتلر ك نظريات و عملياتى
تعليم ايتد يرلمسى متصور اولوب بمنه تعالى سايه معا لوايه
حضرت پادشاهيده اشبونيت خيريه قوه دن فعله كتورلدكي
حالده صنايعك ايلرولسى حفته فوق الغايه تاثيراتى كوريله جكي
دركاردر .

ايكنجى سبب اصنافز بيننده جارى اولان كوره نك صايق
ماده سيدر . اشبو كوره نك دينلان شى دخى صنعتلرينه دائر
اوسته لر ندى كوردكلى اصول اولوب بوكا كويا امور دينه دن
برشى كبي نظر ايدر ك هيچ بروقنده تغير و اصلاحى تصور ايتك
شويله طور سون بر طرف دن كندولرينه بعض صور حسنه
اخطار اولاندقده كوره نك اولماش جوانى ويررل . حالوكه
اوروپالور كوره نك صايه رق دائما اصول قديمه لر ني محافظه ايتمش
اوله لر دى واپور سفينه سى و تيمور يول و تلغراف و امثال نيچه

صنایع نافعه‌نك اختراعيله مدنيت وانسانيته بويله بيوك خدمتler
 ايضاً سنه نصل موفق اوله ييلورلردى . كوره‌نك صايق دائماً
 براده‌ده قالب ايلرو كیده مامك ايجون برسد سديدرد . شو قدر
 سنه لردنبرو ذر سعادت اها لېسنك اكثرى وبا خصوص مأمورين
 دولت و معتبران مملكت كافة اوروپاكارى قوندره استعمال
 ايتدكلى حالده بزم ديكچيلر الى يونا هذا بونك اعماله و غبت
 و تشبث ايتامش لدر . جوارنده بولنان برا اوروپالو ديكديكى قوندره يي
 يوز غروشه ودهان ياده يه صناتقمده اولديغنى كوردكلى
 و كندورنى اعمال ايتدكلى قرمزى ينى و صارى پابوجى اون
 غروشه و يردكلى حالده هر قومك ديكديكى قوندره يي قالب
 اكا تقليده چالشمق و او كر ثوب كندورلده انك كې يوز غروشه
 صاهرق كونده اون غروش قرانه جق يره قرق اللى غروش ودها
 زياده قرانق افكارى هيج بروقت خاطر لر ينه كلامشدر .
 بو مقوله صنایعك تعلم و اجرا بسنه هيج بر مانع و جانل اولوب مجرد
 ذكر اولنان كوره‌نك اصولى بلا سيدر . مملكتك ترقى صنایعنى
 و كندوسنك حصول منفعتنى آرزوايدن ارباب حرف و صنایع
 اشبو كوره‌نك افكار باطله سندن صرف نظر ايدرك ياپديغنى
 شى كوزى او كنه قويوب اندن دهامصنع امشالى و ارايسه اكا تقليده
 چالشمق يوق ايسه عجباً بودها بر كوزل صورته ياپيله ييلورمى ديوب
 صرف ذهن ايتك و خاطر ينه كلان صورتى همان اجرا ايدرك
 موفق اوله مزسه اوصانديوب ديكر بر طريق ارامق لازم كلور .
 اشته بو قاعده يه رعايت ايتدكلى صورته نهايتنده همه حال
 مصنوعاتلرنى بر حسن قالبه افراع و رفته رفته ايلروايوب يكي شيلر
 دخی اختراع ايده بيله جكلى امر مجزومدر .

سرکی مذکور ایچون آت میدانده انشا اولسان محل صورت مطبوعه و مستحسنه ده یا پلس اولوب وسعتی دخی بوندن بویله برقاچ دفعه ده اچیله جق سرکیلر ایچون درجه کفایه ده ایسه ده استماع اولدیغنه کوره سرکی قیاندقدنصره ابنیه مذکوره هدم اولنه جغندن بو کیفیت جله نك موجب تأسفی اولمقده در .
 فی الحقیقه در سعادت کبی بر شهر عظیم ایچون میدان مزبور مثلاًو بردکل برقاچ واسع محلك لزومی انکار اولنه میوب بناء جلیه الده بوانان میدانك بو صورتله ابنیه انشاسیله قیادلسی تجویز اولنه مز ایسه ده مشهود اولدیغی اوزره میدان مذکور هیئت منظمه ده اولدیغندن اهالی استانبولك بوندن استفاده ایده مدکلری ظاهر در . اشته شومطالعاته مبنی میدان مذکوره یا یلان ابنیه سرکینك ختامنده ییقلدیغی دیگر منظم برسرکی محلی یا پیلنجیه قدر حالی اوزره براغلسی و ایکی اوچ سنده برکره بو سنه کی کبی محل مذکوره سرکی کشاد اولمسی مناسب حال و موافق مصلحت کبی کورینور .

چارشوی مذکوره اوتوز بیک انکلیر لیراسی یعنی التی بیک التی یوز کبسه مصرف وقوعبولمش اولوب ییقلدیغی تقدیرده انقاضی اثمانی مبلغ مذکورك عشرینه مقابل اوله میه جغنی درکار در .
 یالکز بر دفعه سرکی کشادی دخی نتیجه مطلوبه حصوله کافی اوله میه جغندن بر منوال محرر هر ایکی اوچ سنده برکره بو مثلاًو سرکی کشادی لازمه دن اولدیغی و هر سرکی ایچون دخی بر چارشو انشاسی خیلی تکلف و مصارفه محتاج اوله جغنی جهته چارشو یا عمق تکلیفی سرکی کشادینه مانع اولمسی ملاحظه دن

بعید دکلدر فقط ابنیه مذکوره نك دائمی صورتله میدان مزبورده
 ابقاسی دخی جائز اوامیه جغندن بر قایج دفعه محل مذکورده
 یالکز ممالک محروسه محصولات و مصنوعاتنه مخصوص سرکیلر
 ککشاد اولندقدنصکره در سعادتده بر سرکی عمومی کشادی
 زمانی کلدکده مناسب بریره دهها واسع و منتظم بر سرکی محلی
 یایله رق میدان مزبورده بولنان چارشونک اولوقت تخریبی
 مناسب اولور

یرده سرکی کشادی یالکز در سعادتده حصر اولنیوب از میر
 وسلانیک و مناستر و شام و حلب مثل او مرکز صنایع و تجارت
 اولان شهرلرده هر سنه بر دفعه خصوصی سرکیلر کشاد اولنسی
 و مملکتزجه زراعت و صناعتک قنغی شعبه لری نك اصلاحی دهامهم
 کورینسور ایسه بونلری بوجه مطلوب اصلاح ایچون مکافات
 مناسبه تخصیصیله اولجه اعلان اولنهرق اهل صناعت
 و زراعتک بو وجهله دخی تشویق و ترغینه همت بیورلسی
 بو بایده اتخادی لازم کلان تدابیر مؤثره جله سننددر ظن اولنور
 (قدری)

(قدمای ملوک مصریه تاریخی)

فیرون

اشبو فیرون سالف الذکر مشهور سیز و ستریسک اوغلی
 و ولی عهدی اولوب میلاددن یسک در تیوز اللی یدی سنه اول

پدرینک وفا تنده جالس مسند حکومت اولمشدر . مشار ایله
 پدری کبی عالی همت اولیوب یالکز کبرو غرورده اکا تفوق
 ایتشیدی . حتی برسنه نیل مبارکک فیضانی پک زیاده اولوب
 کلی خساراتی موجب اولدیغندن غضبه کلوب کویا نیلی تأدیب
 ایتک زعیله صویه برمزراق اتمش اولدیغی مرویدر . حضرت
 موسی علیه السلام ملک مشار ایله ایله معاصر اولوب طائفه بنی
 اسرائیلی دوچار اولدقلری ادا وجفادن تخلیص قصد یله
 معجزات معلومه بی اظهاردن صکره مسردن هجرت ایلد کلرنده
 تعقیب ایدوب بحر احمرده غرق اولان ومصر حکمدارلینه
 مخصوص فرعون لقبیله مشهور بولانان ملک اشبو فیروندر .
 بونک اخلافندن یالکز پروته ور امپسنیه نامنده ایکی حکمدارک
 اسملری معلوم اولوب فقط هیچ بر اثرلری مشهود اولمامشدر .

کیویس و شفرن

کیویس الی سنه و آندن صکره شفرن الی الی سنه اجرای حکومت
 ایدوب بونلر انواع ظلم و کفر ارتکاب و قوانینه رعایت ایتیه رک درلو
 درلو تکالیف و رسومات تحمیلیه مملکتی خراب ایلدیلر . و مجرد
 ابقای نام غرضیله اهرام مصریه نکه یوکلری اولان ایکبسنی
 کندولرینه مزار اولق اوزره کلی زجت و تکلف ایله اهالی یه
 بنا ایتدیردیلر . کرچه بو وسیله ایله ابقای نام ایدرک مقصدلری
 حاصل اولمش ایسه ده بر صورت مذمومه ده اولدیغندن خیلی
 زمان مصر یون عندنده لعنت یله یاد قلمشدر .

میسرتیوس

میسرتیوس سالف اندر کویسنگ اوغلیدر . مشارالیه پدیری کبی غدار اولوب ییدی سنه ممتد اولان زمان حکومتده لوازم عدالت و حقانیتی ایفا ایلشدر . بونک عصرنده مصریون قوانینه رعایتی ترک ایله سفاهت و تسیبه میل ایتشرایدی . ایلوم فیوم اقلینده واقع کریچیدن معمول اهرام تپه سی ایشبو میسرتیوس زمانی اثارنددر .

آسیخس

بالاده ذکر و بیان اولندیغی اوزره برادم اچه استقراض ایلدکده مقابلنده پدیرنگ جسد محفوظنی رهن صورتیله مستقرضه تسلیم ایلک ماده سی ملک مشارالیه زماننده قانونه درج اولوب بوندن بشقه برائری یوقدر . فقط مصرده نی سویف ایله فیوم اقلیلری ییننده واقع لاهون قریه سننده کریمیدن معمول اهرام تپه سی دچی مشارالیه زماننده منسوبدر . میلاددن ییک اون اوچ سنه اولم مصرده بر حکمدار اولوب کریمه سنی بنی اسر ایل ملکی اولان حضرت سلیمان علیه السلامه تزویج ایلشدر . بوندن بشقه اثری معلوم اولندیغی مثل فرعون لقبیله معروف اولوب اسم مخصوصی دچی اونود ایلشدر .

سیران

سیران میلاد دن طقوز یوز یتش سکر سنہ اول مسند نشین حکومت اولمشدر . حضرت سلیمان علیہ السلامک مخدومی اولوب نبی اسرائیل ملکی بولنان رصیع ایله محاربه یه قیام وبلاد کنعانیه یه جسیم براردو سوق ایدرک نبی اسرائیل قومنی تارمار ایتش و قدس شریفه دخول ایله حضرت سلیمان علیہ السلامدن قالمش اولان اوچوز قطعه التون قالقانلری اخذ ایدوب مصره عودت ایلمشدر .

زارا

زارا میلادن طقوز یوز قرق برسنه اول جلوس ایدوب مصر و حبش ممالکله مشرف اولمشدر . یہودیلر ایله محاربه یه قالقبشوب اوزرلرینه برملیون عسکر و اوچوز عربہ دن مرکب برجسیم اردو سوق ایتش ایسه ده اولوقت قدس شریف ملکی بولنان آسا غالب کلدرک مصر لوری منہزم و پریشان ایتشیدی . مذکور زارادن صکره آنیزیس نام حکمدارک سلطنتنه قدر یوز اللی سنہ دن متجاوز مدتده مصرده کیلز حکومت ایلدیکی ونه مقوله حالات وقوعه کلدیکی عندالمورخین مجهول بولمشدر .

آنیزیس

مشار ایله آنیزیس اعما اولدیغی حالده میلاد دن یدی یوز ایتش یدی سنہ اول تخت حکمداری یه جلوس ایلمشدر .

اولوقت حبش ملكى بولنان ساباكوس مصر الكاسنى بالاستيلا
الى سنه حكمدارلق ايده جكى هاتف غيبدن كويا كندوسنه خبر
ويرلديكندن مصره عسكر سوقيله كاملاً ضبط و تسخير ايلش
و كندوسى كمال درجه مر جت و حقانيتله متصف اولديغندن
قتل جزا سنى بالكلية لغوايدوب بوكا مستحق اولانلرك ابينه ميريه ده
استخداميله اكتفا اولانوردى . الى سنه مرورنده زمام حكومتى
اولوقته قدر اختفا ايتش اولان آنريسه اعاده ايدرك اصل محل
حكومتى اولان حبش مملكتنه عودت ايلشدر .

سيتوس

سيتوس بالاده ذكر اولنان حبش ملكى ساباكوسك اوغلو اولوب
ميلاد دن يديوز اون طقوز سنه اول جلوس ايتشدر . اولزمان
اعتقادات باطله سنه زياده تمسك ورايتى اولديغندن مرتب
ذمتى اولان اداره امور عبادى ترك ايدرك عبادت ايله اشتغال ايدرايدى
وصنف عسكرى يه اصلا رعايت ايتيهرك اسلافنك عساکره
زعامت طريقيه ويرمش اولدقلى اراضى يي بيله استرداد ايتشيدى .
بو جهته عسكرى طاقى كندو سندن دلکير اوله رق سناخريب
نام سريان و عربان ملكى مصره تجاوز ايتدكده عساكر مصريه
سبتوسك اغورينه محاربه دن امتناع ايلدكلرندن مشار اليه
اصناف و احاد ناسدن باشنه برطاقم كسانى جمع ايدوب سناخريبي
مقابله يه چقدقده كويا كچه لين سريان اردو سنده فوق العاده فارمل
ظهور ايدوب عساكر ك اوق ويايلرينك ك ريشلرينى كاملاً
ييهرك صباح اولدقده سريانلر سلاحسز قالدقاريني كوردكده

مخاربه به عدم اقتدار لرینی آکلامر لیه میدان مخاربه بی ترک ایدوب
فرار ایتدکری قدیم مصر و یونان تاریخ نرنده روایت اولمشدر .

تاراقه

تاراقه حبش حکمداری ایکن سیتوسک یرینه مصرده دخی تخت
حکومهت جالس اولوب اون سکز سنه اجرای حکومت ایتمش
و بوندن صکره حبشدن مصره حاکم کلما مشدر .

کتب تاریخ مطالعه سندن آکلا شیه جغی و جهله بالجهه ملترک
اساس قوت و اقتدار لری بعض قواعد ملکیه و دینه وادیه
اوزرینه مینی اولوب بونلره رعایت ودقته تجویز تسامح
اولندقده اول ملک تک شوکت و اقتداری تنزل وانحطاطه
یوز طوتوب اولالذه علامات انقراض رونما اولنور .
شویله که مصر یونک حکمدار لرینه صداقت وقوانین دینه وملکیه به
رعایت وتسبب وسفا هتدن دخی مباعدت ایلدکری مدتیجه
قوت و اقتدار جهته معاصر لری اولان ملترک برنجیسی دینگکه
شایان اولوب حسن اتقاعلری ثمره سی اوله رق اجانبک تعدیاتندن
خوف ایتدکدن بشقه عسا کر شجاعت مأثر لری افریقا وآسیا
قطعه لرینک ثروت وسامان ایله مشهور اولان ممالکنی ضبط
وتسخیر ایلش لر ایدی . لکن بوفتوحات موجب کبر و غرور اوله رق
حکمدار لر اثار قدما ونصایح عقلایه احاله سمع اعتبار ایتوب
کندور آلرینی قوانینه ترجیح ایتد لر لیه بوندن نشأت ایدن
مظالم وتعدیات اهلینک نفرتی مؤدی اولمشدر . وقیح
ایتدکری محار دن کتور دکری اموال و اشیا خلقی

برطاقم تزیینات وسفاخته میل ایتدیردیکی جهتله ملک وملتله اولان محبت و صداقت زائل اولمش و بووجهله سیر و ستریسدن صکره حکومت مصریه انحطاطه باشلا یوب حضرت عمر رضی الله عنهمک زمان نصرت اقترانلرینه دکین حبش و سریان و پارس و یونان و رومالورک متعاقبا اللرینه دوشد کدن صکره ضمیمه ممالک اسلامیه اولمش و اولوقندن برودولتلی بالکلیسه انقراض بولمشدر .

بالاده ذکر و بیان اولندیغی اوزره حبشدن کلان حکمدارلرک نسلی منقطع اولدقده عموم اهلینک انتخابیله زمام حکومتی الهه ایله جک کبرای ملدن برکسه بولنه مدیغندن بو بایده بین الاهالی ظهوره کلان اختلاف ایکی سنه قدر ممتد اولدقدنصکره کبرای ملندن اون ایکی ذات بالاتفاق مملکت مصریه بی بینلرنده تقسیم وهربری مستقلاجرای حکومت ایدوب حسن امتراج ولدی الحاجه یکدیگرینه معاونت ایلمکی تعهد ایلدیلر . بوئی متعاقب برکاهن هاتف غیب تلقینی اولق اوزره مذکور اون ایکی حکمداردن قنهبسی معبودلری اولان اصنامدن ولکین نام بت عشقنه بر باقر قدحدن شراب ایچر ایسه منفرداً مصره مالک اوله جغنی اعلان ایلسیله بو کیفیت منعقد اولان رابطه اتفاقک اخلالنی مؤدی اولمقدن احتیازا کاهن مذکورک قولیله عمل اولنماسی حقنده قسم ایله یکدیگرینی تأمین ایلدیکنندن حسن امتراج و اتفاقلری اون بئش سنه بردوام اولمش ایدی . بوزک شرفنه الان فیوم اقلیمنده آثاری مشهود ولاییرت نامیله مشهور اولان اون ایکی سرایدن مرکب جسم بنایی مشترکا انشا ایدوب بو سرایار سطح

ارضده بيك بشيوز وایام جارده اقامت اولمق اوزره زیرزمینده
 كذلك بيك بشيوز دائره بی مشتمل ایدی . برکون مذکور
 حکمدار لر عبادتگاهده اجتماع ایله عادتلری اوزره مذکور ولکین
 نام بتک عشقنه شراب ایچلمسی لازم کلد کده رهبانلر هر برینه
 التوندن مصنوع قد حار تقدیم ایدوب فقط اشبو قد حار اونبر
 اولوب حکمدارانک عددندن بر نقصان اولمسيله حکمداران دن
 پساتی اصلا برسوء نیته مبنی اولمیه رق مجرد سبقت ایدن یمنندن
 ذهول ایلدیکندن باقردن معمول تاجنی باشندن چیقاروب ایچنه
 شراب طولدیره رق نوش ایلدیکنی رفقاسی کورد کده کاهنک
 ویرمش اولدیغی خبری تیخطر ایله پساتیدن روگردان ومحترز
 اوله رق مومی الیهی نی وتغریب ایتدی لر . پساتی شو حالدن بالطبع
 منفعل ومکدر اوله رق اخذ نار ایتک اسبابنی تحریده ایکن آق
 دکرده برفورتنه ظهور یله یونان عسکر یله مملو برسغینه بک مصر
 سواحلنده قاره یه دوشدیکنی استماع ایلدیکندن کیدوب عساکر
 هر قومده بی استصحاب ومملکتده اولان طرفدارلری دخی جمع
 ایدرک دیکر حکمدارانیه اعلان حرب وعسکر نی پریشان ومغلوب
 ایدوب مصر الکاسینی کاملاً ضبط وزمام حکومتی ید اقتدارینه
 اخذ ایلدی .

(محمد جیل)

سفیر پاریس

(خلیل)

سفیر پترسبورغ

انگلتره

انگلتره سواحل نندن امر یقاده جنوبولره اسلحه و سائر مهمات حربیه نقل اولدیغی جهتله بو حرکتک اصول بیطرفییه مغایر اولدیغی بیانیله شمالولر طرفندن اعتراض وقوعبولمش و یو بایده انگلتره دولتی طرفندن وریلان جوابده تبارک استدکلیری محالره اسلحه و مهمات حربیه نقل ایتملی انگلتره قوانینی اقتضاسنجه منع اولنه میه جنی بیان قلمشیدی . بوتک اوزرینه شمالولر اشبو اسلحه نقلنک منعی ضمنده مخصوص سفائن تعیین ایدرک امر یقاه کیدن بالجمله انگلیز کپلری حقنده یوقلمه اجراسنه مبادرت ایدوب بوکادخی قاعدهٔ حقاری اولدیغی درکار ایسه ده مؤخرأ امر یقانک محال سائر سه سنه عزیمت ایدن ودهوننده لوازم حربیه دن هیچ برشی بولنمیان برطاقم انگلیز کپلرینی دخی بعض بهانه لره اخذ و توقیف ایتملیله بو کیفیت طرفین بیننده زیاده برودتی مستلزم اولمش و حتی حربی منتج اوله جنی دخی کچنلرده شیوعبولمشدر .

لهستان

لهستان اختلالنک دوامی کرک روسیه و کرک عموماً اوروپا حقنده مضر اوله جغندن شو مسئله نک بر صورت مناسبه ایله حل و تسویه سی ضمنده فرانسه و انگلتره و اوستریا دولتلری طرفندن روسیه دولتنه بعض تبلیغات دوستانه اجرا قلمش و دولت مشارالیهانک بو بایده ویردیکی جواب هنوز عامه جه

معلوم دکل ایسہ دہ تبلیغات مذکورہ نك بر حسن تأثیری اولہ میہ جغی ملحوظ بولمشد . لمہستان عصاتندن مایس ابتدا سنہ قدر دائرہ اطاعتہ کیرنلرک جرایم سابقہ سی عفو اولنہ جغی کچنلرہ روسیہ دولتی طرفندن اعلان قلمش ایسندہ غزتہ لک ییانہ کورہ کورہ غصاة بوکا یناشمدقندن بشقہ آتش اختلال کندجکہ کسب اشتغال ایتمکدہ در .

لمہستاندہ بولنان روسیہ جزالی برغ معبتندہ اولان عسکرہ مقاومت ایده میہ جگنی فہم ایدرک کندوسنہ مقدار کافی امداد کوندرلد یکی حالده استغفایہ مجبور اولدیغنی پترسبورغہ اشعار ایلشدرد . لمہلول طرفندن بودفعہ عموماً اوروپا اہالیسنہ خطاباً نشر اولنان برقطعہ اعلاننامہ دہ مسئلہ حاضرہ دہ اورپا دولتری تو سطنک لازم ولابد اولدیغنی و روسیہ عساکرینک لمہلول حقندہ نہ درجہ مظالم و تعدیات ارتکاب ایتمکری بسط وییان قلمشدر .

اسوج ونوروج دولتی لمہلول حقندہ سائر اوروپا دولترندن زیادہ مساعد کورینوب شواثنادہ بعض تدابیر حر بیہ دخی نسبت ایلش اولدیغندن روسیہ دولتی طرفندن بو بایدہ دولت مشار الیہا دن توضیحات طلب اولمش اولدیغنی مرویدر .

بعض غزتہ لک افادہ سنہ کورہ اسوج واسپانیا و پورتگیز و ایٹالیا دولتریلہ اسویچرہ حکومتی دخی فرانسه وانگلترہ و اوستریا دولتری مثللو لمہستان مسئلہ سی حقندہ روسیہ تبلیغات اجرا ایتش و بوضورتدہ همان عموماً اوروپا نك مسئلہ مذکورہ حقندہ متحد الافکار دیمک اولدیغنی جہتلہ روسیہ دولتی بو بایدہ عدم مبالات کو سترہ میہ جکی ملحوظدر .

ممالک مجتمعه امریقا

جنوب بلور له شمال لور بیننده محاربه دوام ایدوب مصادمات وقوعی
دخی اکساک دکل ایسه ده بو کونلرده باشلوجه برشی یوقدر . فقط
جنوب طرفنده قط وغلا ظهور ایدوب ارزاق و ذخائر پیک فاحش
بهایه چیمش و امتعه و اشیا فیئاتی دخی بونسته ترقی ایلشدر .
حتی بعض محللرده پوق زراعتی منع اولوب ذخائر زرع اولنسی
حقلده طرف حکومتدن تنیهات اکیده اجرا و خلافی حرکتده
بولانلرک شدیداً تأدیبا اولنه جغی اعلان قلمشدر . شمال
طرفنده عموم اهالی بالمله اروپا دولتری و بالخصوص انکلتره
دولتی علیهنده اولوب حتی بعضلری انکلتره ایله بالکلیه قطع
مناسبات اولنسی اقتضا ایده جکی افکارنده در . انکلتره ایله
امریقا نولرک خصوصتی یکی برشی اولسوب باخصوص بودفعه
انکلیر لک جنوب لور حقلده بعض مرتبه مساعد کورنسی
و بالاده ذکر اولندیغی اوزره انکلتره دن اورایه اسلحه نقل اولنسی
ماده لری دخی برقاتدها تشدید ایلشدر . مقدا امریقا تیمور
یوللرینک کمال انتظامی هیچ برملکت تیمور یولنه مقبس دکل ایکن
ایوم پک فنا حالده بولنه رق سرعتی ساعتده اون میله تنزل
ایتمش و غربه لر دخی اولکی حوله لرینک انجق نصفی نقل ایتمکده
بولنمشدر . اشبو یوللرک مرور ایتدکری محللرده اوزرمانلرک کثرتی
مناسبته تعمیر لری غایت سهولتو ایکن قومسایه لرینک عدم
اقتداردن ناشی باقیله میوب کتدکجه خراب اولمقده در . التونک
فیئاتی ایسه اوراق تقدیه یه نسبتله برقاچ قات تزیاید ایلشدر .

یونانستان

اوتونك خلغندن برومحلول بولنان يونان قراللى ايچون پك چوق نوات تصور اولمش ايسده بعضيرى قبولدن اسنكاف ايدوب بعضيرينك دخى انتخابنده پوليتقه جه محذور كورلد يكندن بوماده شمدى يه قدر معلقه قالدغي حالده نهايت بودفعه دائمارقه ولى عهدينك ايكنجى مخدومى پرنس كيليوم يوركى بعض اوروپا دولترى طرفندن تنسب و تكليف و يونان جمعيت مليه سى جانبدن دخى قبول و تصديق قلمشدر . پرنس مشاراليه هنوز كنج اوله رق قانونا محدود اولان سن رشده واصل اولنجيه قدر مناسب برذات ولى حكومت تعيين اولنه چقدر . قرال سابقك منسوب اولديغي باويه را قرالى خاندانى يونان قراللى حقدن حالا فراغت ايتامش و انتخاب اولان پرنس مشاراليه پدى ايسه مخدومى ايچون قراليت مذكوره بي قبولى باويه را خاندانك اولبابده ترك حقوق ايتمنه تعليق ايلش اولغله بر مقدار اچه اعطاسيله خاندان مشاراليه الزامى و يا خود كيفيتك صورت آخرله تسويه سى متصور بولمشدر . قرال جديدى ائنه يه كتورمك اوزره يونانستانده اوچ ذاتن مركب برقو ميسون تسكيل اولنه رق دائمارقه نك پاي تختى اولان قوپنهاق شهرينه اعزام قلمشدر . فقط باويه را خانداننه ترك حقوق ايتديرمك و اقتضاليدن ولى حكومت تعيين اولنقى مسئله لرى فيصله پذير اولمديجه قرال مشاراليه ائنه يه عزيمتى غيره مولدر .

ایتالیا

کچن بیک سکن یوز التمش ایکی سنه سی نهایتنه قدر کوریلان محاسبه ده ایتالیا دولتک اوچ یوز یتش درت ملیون اچیغی ظهور ایتش اولدیغندن هم بونی تسویه ایتک و همده امور مالیه بر تحت رابطه یه ادخال اولنجیه قدر مصارفات دولته مدار اولق اوزره یکیدن یدی یوز ملیون فرانق استقراضنه و بونک نصفی یوزده او توز نقصانه ایتالیا دن و نصف دیگر ی پارس ولوندره دن اخذینه قرار ویرلشدر .

جنرال غاریبالدینک یاره سی مؤخرأ نکس ایدرک شو حال احباسنه زیاده موجب خوف واضطراب اولمش ایسه ده مومی الیه قاپره را جزیره سنه عودتندبرو بعض مرتبه کسب افاقت ایتشدر .